

本館新聞除禮拜外日出一張諸君賜閱本報者無論本埠外埠均可函致本館取閱如外埠閱報加寄費可也除日報照常刊送外復不惜工本從英國採辦釘書機各機器以待與各官商刊印書籍單件並有英國各體活字及各式花邊等延有西人專印工藝精所有中西文字均能刊印並有石版印字大小機器均用精工

第 二 千 二 百 三 十 九 號

報 叻

本館開在舊巴剎口門牌第十四號

已丑四月十四日

印工變絕倫前延有文士書寫各體文字現由上海購到各種書籍出售其書目另行刊佈所有各項價甚相宜再本館所登來札原擇其有關世道人心者附登否亦須無礙於人而後始錄其有謬屬成文以及支離辭解者概不登報嗣後諸翁來札尙祈自諒更須寫實里而後敢登但來稿登與不登均不能將原稿收回也 本館謹白

凡印書第一日每一字一仙第二日以下每字半仙 大英一千八百八十九年五月三十號禮拜一 每張售錢五文 每月一元 每季三元 每半年五元 每年十元

所不同近見外埠諸君取閱本報者或有僅一二月之久即為止其更有取巧者取閱本報迨屆半年開單往收報費之時則竟託詞謂已致函本報着為停寄何以復送前來緣是即欲圖沒報費殊堪痛恨竊思本館之報原期大眾同觀諸事之濟否不在一人倘不欲賜閱即以一函投本館斷無有不為之止截豈有強人看閱之理則此言之詐可知茲特聲明請諸君止看本報者必須諸函由國家信館寄叻投之本館始為准信倘本館未接來函仍為派送則不妨再為示教至於取閱報紙必須至一年半年方能止截否即作為零沽當按價索償勿謂言之不預也特此聲明 本館謹白

不容不辨說

日裡為傭之苦夫人皆知而本館據事直書非奈以臆說故就所知所聞作一日裡為傭之苦說此乃憫惻此苦者哀其遇為未罹此苦者指其迷耳不謂昨閱香港循環日報錄有日裡為傭之害辨一則其言大為詫異不解該館何以竟據無理狂妄之人錄如此荒誕語也今將其原說錄登然後繼為之辨其言曰書曰民惟邦本本固邦寧蓋民無食則飢無衣則寒飢寒迫則禍亂生此致治之要端在乎民生得所也粵東生齒之繁甲於他省其貿易傭工於南洋各埠者統計不下百數十萬人數十年來空拳而出滿載而歸者不知凡幾而各埠田園主人厚其辛資以廣招徠亦不過取有七有人有財之義耳雖然天下事有利必有害因之弊準近有一種無業華人專為經理客頭諸事見有出洋之華傭則詭辭以招之危言以警之必至經其遺廢飽其欲壑而後已因是傭工於南洋各埠者為若輩所壟斷受害實深今有人焉為之設法而善處之則若輩又將與造謠言暗施鬼蜮報館誤聽其言所以有日裡為傭之害之論也夫報館有聞必錄職所當然但所聞異辭所傳聞異辭鄙人具有所知因就曾經辦過實在情形特為辨白以為已往者作証又為未往者釋疑焉查現在日裡之華民約有數萬其由新嘉坡檳城暹道前往者居多而由粵省巡往者寥寥無幾蓋利之所在人共趨之若果有赴水求死者何以趨向者如此之多南洋各處自古稱為瘴鄉今則人煙日密氛氳漸消出洋傭工之人多屬粵籍水土相近無異居父母之邦設能謹慎風霜此地何非淨土何致釀成疾病葬身異域之問陵汕頭傭工日裡之告帖有云工人種植多佳工銀定必多給又云若係勤力比之庸懶所賺工銀自必倍多又云患病不能工作可以僱人代替各園主為體恤工人集資三十餘萬起蓋病院一所等語可見該準之待華傭至優且渥且園主論工計值勤則格外優給惰則照常付值勤情聽人自為何必鞭朴從事若夫工人有病前往醫院調治該田自有替工於園主無所虧缺又何必著其帶病執役至醫院乃王家會同各園主董理原為保護工人起見何至有名無實况該地多荒在需人開墾方且招徠之不暇何有虐待之理果如所云又何以客至如歸哉且華民往該準傭工汕頭輪船未開行之前例由中西官責成保結其開設之客頭館照章查詢委係出於自願方准買船票分給並隨時實力稽查辦法至周且密既不受客頭之累亦向無誘拐之情聞去年有三百餘人一起自日裡回汕由洋行滙回銀數萬員則去而復返者獲利誠非淺鮮若曰嫖賭一層中華何地無之嗜好者不待誘而自往謹慎者雖誘而不來誰肯貸之以銀作此無益之事乎但此等人既有嗜好平日工作定必偷安新賺工銀自必較少因此約期已滿歸資無着乃復懇商園主另約為傭衡情酌理其非計誘可知想而知要惟經至其地者身親目擊始能明白其無他耳總之別準經理客頭知由廈門汕頭香港等處有船運往日裡不歸若輩經手即少此一宗橫財故多方設法欲傭工之人知所畏懼不赴日裡而赴彼準則日裡園主自必仍向其僱用工人而若輩乃可坐享利權也按前月香港有郵輪船掛牌大書特書開往日裡時有二百七十二人願往詎舟至半途中有數人播弄是非羣相鼓噪不肯言往日裡船主恐釀事端乃將船泊於叻準其為若輩唆使滋鬧已可概見安得良有司明鏡高懸妥為計議俾無辜之窮民出水火而登程席哉 此稿未完

諭旨恭錄 ○三月廿四日 禮部題已丑科會試中額本一件奉 硃筆這會試滿州取中八名蒙古取中三名漢軍取中六名直隸取中二十三名奉天取中三名山東取中二十一名山西取中十名河南取中十七名陝西取中十四名甘肅取中九名江蘇取中二十五名安徽取中十七名浙江取中二十四

營建中止 ○土庫花園街近有起造舖宇者現已停工中觀聞其所以停止之故則緣所起之屋係工部局與火燭保險公司相約而成蓋用以停放水龍之所也而當時未經稟准國家有違公議故被控於案遂至事難克成並聞者其幾於別方置地建造限至十五日進行否則不能無累云

舟中產子 ○潮人某甲婦石氏家於打石山其母家則在於小坡上與街本日乃其父壽誕氏以父富垂老景迫桑榆逮事之期正如風中之燭今既喜逢壽誕宜度申賀敬少盡兒女之情遂於初十日偕其夫備辦賀禮僱一小舟而來一羣鬪然從實籠罔律橫流而渡乃行至半海婦忽覺腹痛蓋婦已懷孕數月將屆產期惟急於恭祝嚴椿故不服自重耳其夫見其面色陡變恐有不虞因命榜人轉棹而回不復渡過對岸乃回棹未幾婦遂大呼腹痛嬌啼聲嘶夫知其香孕已盈分娩在即亟命榜人張蓋篷幔而以身傍婦如坐蓐然未幾即聞兒啼蓋水到渠成瓜熟蒂落自然之理不假人為也時婦暈絕夫拾兒視之則一索得男竟符震卦其榜人極力而棹俄而抵岸遂扶婦臥板中解之而歸母子俱無恙

淨死驗屍 ○打石街米廠後向有一港乃各工人工畢就浴之處也初九日有華人三名往該處就浴水勢清漫清風徐來於煩熱之中得有此境亦快事也不料內有一人於就淺就深之際在水中中央而港內汚垢非常之滑故立足不牢因而傾跌遽占滅頂昏仆水中其二人急前救之而氣已絕矣二人大驚相與譁噪而事已如此莫可如何不得已報差相驗遂昇至施排埔醫院循例剖驗經驗屍官馬君驗畢飭棺殮葬

犯賭被獲 ○近日禁賭之令視前更為嚴密異常而於卜榜花一端尤為重罰而仍有犯之者此真可謂頑民梗化矣月之初九日有華人某甲在牛車水古連街為西差所拘係其身上懷有閩單單部被其搜獲故從而拘之現署保銀一千元俟其在外候訊想例禁方嚴而若輩仍敢如此諒難輕貸

泉署改期 ○本坡泉署已定於本月十五日開訊訟事施排埔之巡捕官刺君則管訟務之先務審訊次第登名而巡查署內地方以嚴以肅期命某副巡捕司其責焉想冰臺高坐鐵面無私訟事之屈伸俱以理斷秦官之鏡固非可以遁形也


母女獨遊 ○甘公加薄有毛燕人名亞意應者向以染巾為業家有一女年已十七許字於其同籍中人某甲甲本謹厚之子向在西人處為園人家於東陵頗可自活擇衣日迎娶禮已成矣忽於初九晚其女私遁不知逃匿何方命中方照紅鸞行迹竟同黃鶴其父手足無措四處偵尋而雲霧茫茫從何竟起乃悲哭獨坐滿面啼痕蓋既失掌珠又無以應婿之聘也其婦在傍相慰勸其勿悲自願挺身尋之必無他害言畢毅然而去至初十晚亦不見歸來意慮愈着忙憤怨欲死既失其女又失其妻一日之中家口零落乃抱病不起其婿家聞信轉以好言慰之現聞其母子同遁至家內因其附輪之際適有其同籍人漁於海上者見之但是時不知其潛奔故不從而盤詰相阻耳然則女之所以遁必其母教之而偽為尋訪也者與之偕行也一則方屬吉期一則半生伉儷乃各棄其夫婿而為私逃其果何心歟抑甲之婚非其母所願又不能與夫抗故為是謀也嗚亦奇矣

行兇被逮 ○月之初十日有火船名漳海澄者由廈門抵叻船內搭客共六百七十二名泊於王家埔頭勢必另僱小舟方能抵岸故各三板皆趨之爭先恐後時有三榜人駕一中紅船衝波激浪如箭而來適又有一小舟越前而過中人怒喝而止之而小舟駛行急難停掉中中人以其違已也同聲罵之遂至相毆而眾寡不敵小舟之榜人遂受重傷火船之司舟從船上望見以三人行兇勢猛遂扯旗鳴捕將中紅之三人拘至捕房候訊受傷之榜人則昇至醫院調治云

護嬰新章 ○前護嬰署所定之例凡有幼女至四歲者不准在勾院內歇宿違則罰無赦此向例也今則另改新章無論男女幼孩即在乳哺中亦不准其在勾院住宿並有新欸每勾院不得如前時之任意添置妓女必俟西醫看過該院墮落多少妓女限以定額其備婦亦然著為常規不得緬越如有違例一經查出即重罰不貸云云想此例一出將各院之香房必不似從前談隘矣

津貼貧員 ○概自軍務繁興捐輸四起土途擠擁實出尋常隨班聽鼓之流有時有差缺無期自傷軀繫者雖經大憲展加整頓輸缺委以期週備賜恤銀以資津貼然人浮於額猶有向隅者粵藩憲王方伯目擊情形深為傷悼稟請大憲照江蘇月課凡候補通同州縣及佐雜人員無論正途異路皆准報名投考能文試以策論奏議次則試以各札批示各種公牘文字再次則試以各法算術輿地河工農桑水利並製造洋務一切有用之學每月以初十為期由兩院憲擇地局試其僅能寫本身履歷及其長差者不得赴考已署優缺者一年外方准應試會署中缺或已委優差者半載外方准起試卷面祇編字號不書姓名庶不致文因名重名反累其其獎銀由布經歷給領凡通同州縣以五十五人為額超等首名獎銀十四兩其餘九名每十二兩特等十五名各獎銀八兩一等三十名各獎銀六兩二等七十名超等首名獎銀十兩其餘九名每銀八兩特等二十名各獎銀六兩一等四十名各獎銀四兩其餘名日期限至初十業經特示通衢明白曉諭方伯之體恤僚屬可謂無微不至矣

蜜酒出賣



啟者本行由歐洲辦到上等密酒
來助發售其酒甚佳茲將標頭印出
請君光顧祈為細認免致有誤倘
有無恥之徒假冒本行鎖匙標者本
行定必嚴為控究再此酒不能販往
加勝吧 三寶壟 泗里末
望加錫 檳榔嶼 日裡等處其
他各埠均能運往並此佈聞
大英一千八百八十六年十一月十
八號 明賜也洋行謹啟



法國頂上蜂窠標萬蘭池酒出售




敬啟者本公司親由法國督辦頂上好萬蘭池酒來
助發售其酒清香濃郁醇厚異常飲之誠可令人長血
氣壯筋骨悅顏色妙美無窮今市上所有萬蘭池酒無
有能出其右者誠佐饋中妙品也至此酒惟本公司一
家沽出餘無別家出售 諸君光顧請細認蜂窠標頭
為記並細辨香味方不致誤價甚相宜倘有剽份之弊
者祈早惠臨沽買是荷
大英一千八百八十八年六月二十號
大清光緒十四年五月十一日 明賜也公司謹啟

英國新出頂上花露水出售



敬啟者本公司所製之花露水及高浪水最為佳製
其香之清而且久非尋常可及素已馳譽歐洲用此水
者莫不噴噴稱爲妙品歷經荷領寶星七次以獎其佳
妙處可知茲
欲廣為流傳特佈
告倘 諸君有欲採
辦者祈請向致本公
司取討價單便知一切特此佈 聞
大英一千八百八拾七年四月二十五號
大清光緒十三年 加刺安巴馬厘公司謹啟

爐



代中西士商修整各種損壞機器工價格外公道如有 貴客賜顧者請至本
廠面議特此佈聞 西一千八百八十一年十二月廿六號 廠來安公司啟

啟者本公司製造開鑿新舊機噐各樣地方交易多年專造一切運
噐噐火礮火礮鐵大礮槍之噐具及大小輪船汽機噐爐並各種新式噐噐
噐噐一應俱全無不堅固耐久運便合用遠去甲地方本公司開設有分廠並

中外眾國有限保險公司

啟者本公司總局設在香港多年備
有資本銀二百萬元已先收股份人
來銀六十萬元及餘存銀六十萬元
在叻係本行代理承保各商貨物銀
項運送輪帆來往各埠其保費相用
照例所有花紅之銀俟結賬之後按
數分派前一千八百七十八年
一千八百八十年每股得利息銀廿五
八仙又一千八百八十年至一千八
百八十二年每股得利息銀廿一八
仙諸貴商欲保者請至本行開相商
可也 大清光緒九年 月 日
英一千八百八十三年八月廿七號
毛質德公司謹啟

啟者本行
新由上海
到活字排
石印各書
甚多約計
百餘種茲以
廉價發售諸
君欲採辦者
祈到本行選
購是荷至其
書目太繁不
能一一列
於此其詳
白覽可也
謹啟

西國頂上密酒發售

Culmbacher Bock-Bier



啟者茲本行親由歐洲督辦頂上正裝密酒來助發售其酒香奕異常且蒸製最為得法功能清涼解毒滌暑除煩於南洋尤屬相宜常常飲之可令人不沾暑濕癘疫等症茲特取來發售價甚相宜諸君欲購買者請認以上所印廿酒標頭慎為選擇以免為魚珠之混是所切盼特此佈聞
大清光緒十四年九月廿七日
大英一千八百八十八年十一月三十一號
美憐登洋行啟

代驗機器 ○啟者余向習機器深於此道可以代人考驗因仁機器以及籌商機器等請往時加查驗有無損壞抑或新造輪船查驗否能有弊實等情亦無不可所償工值亦甚相宜或先與言明工價若干均從其便至於諸君欲買受機器者請往代為察驗合宜與否均能効勞諸君惠顧者請移玉趾至附近郵務局之麥打厘路邊第四十四號門本寫字樓內相商便得此佈
大英一千八百八十九年四月號
西國機器師亞北謹啟

時欵鐘表出售 ○啟者本店開設在國家信局對門即來安公司之隣專在歐洲督辦各式時欵鐘表來助發售計有銀表一種最為名貴每枚價銀二十五元并有大小各式金表甚多均屬富行出色者更有無須表匙自能上練之銀表每枚價銀五元其表甚為堅固至於時鐘則各體俱備無論掛鐘座鐘以及石質之鐘皆備其鐘皆異常美麗以備諸君選擇他如金表金匙相合金表練金戒指等各物甚多不能備錄而本店并能代 諸君修理鐘表以及風雨針等皆甚為精細深能晷度無訛 諸君惠顧請即移玉 光臨為盼
大英一千八百八十八年四月十七號
模申鐘表店謹啟

烏密酒發售



啟者本行向由英國督辦各種美酒來助發售久已遐邇馳名茲復由英新辦到頭爾士斗雲字號之狗頭標烏密酒到助應沽此酒香奕異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲酷飲者請至本行取用可也此佈
大英一千八百八十八年八月

西國醫士佛羅斯配製治病滋補氣血藥水能治肝癆肺癆胃弱飲食停滯心悸多驚四肢酸軟身體虛弱酒色過度等症經馳名於世二十餘年天下各國講究講養者多經服用屢試屢驗此藥水用玻璃樽裝載其如何功用另行布列一紙用華字印刊每樽附送一張用此藥水者每日飲三次俱晨午晚膳後乃飲每次用一茶匙以冷水或凍茶一酒杯調飲須食一樽之譜方得見効如蒙 光顧請到中國各口岸西人藥房採買其在本坡則各藥房均有發售如欲多買者則請至然里由洋行對門之新嘉坡藥房即勞未申藥房內麥加君處選購大樽每樽分作一百二十八服價銀一元半樽每樽分作六十四服價銀一元此佈
大英一千八百八十八年正月十八號



與民更始 ○日本報云西班牙國政府此次頒大赦之令所有罪囚及一千八百八十六年在買獨利此持府之兵一律赦出以示寬仁云

東報述西事 ○此次英國貴族霍罷他温伯爵將藏書出售經書室調取估值內有麥柴林聖書一部值英金四千磅合日本銀洋二萬五千元以上○巴黎海藍魯獨新例記歐洲列國兵數計德國二百五十二萬名法國二百四十四萬名俄羅斯二百四十九萬五千名意大利一百萬名奧國一百四十五千人土耳其六十二萬敗魯根諸邦二十五萬人○美國婦女與男子無異生長各營職業或為官吏或為九流及農工商不謀生計者甚覺寥寥而尤以業醫者為多目下婦人之精於岐黃者共三千餘名亦云眾矣○英國製造婦人衣服計有七萬人而法國中習此業者婦女為多全國共有二十萬人泰西各國中稱最盛焉○紐約商業新報云各國中國債最多者莫如法蘭西凡六十二億五千萬元其次俄羅斯三十六億元又次英國三十五億六千萬弗奧地利匈牙利二十四億八千五百萬弗意大利二十二億二千五百萬西班牙十二億七百五十萬萬普魯士十億弗

濟濟多士 ○初八日係會試頭場士子入闈之期旗滿舉人於天曙時先携考具赴貢院聽點而搜檢專司稽查各堂早已陸續入內至寅刻禮部堂官由南海樞垣恭領 欽命頭場文詩題目黃匪齋送貢院題至專司稽察命鳴鼓叫門至公堂聞聲鳴號以應貴顯樵孫慶臣兩知貢舉衣冠出迎鼓樂前導貢院中門洞門搜檢等皆趨立知貢舉於闈中向題目跪行三叩禮禮部堂官恭授 欽命題目於知貢舉孫貴兩堂跪接起恭捧以入鼓樂作而中門仍閉齋至至公堂鳴鼓送入內簾由四總裁行禮畢公同啟封開匣照錄判刻題紙至卯初專司稽察又命鳴鼓叫門內以號應然後將官院東左東右西左西右四門開放內場御史升臺點各名簽照入預於東西磚門內南北以席棚高搭登臺逐名給簽士子領簽後携考具分由東左東右西左西右四門搜檢而入至二道貢院門下領卷而入至稽察接談換卷前繳簽各照卷面所載座號歸號俟封門後由委員分往各號按號蓋戳後封號以俟散題是日入場者命滿蒙漢及各直省計之共七千七百餘人由專司稽察眼視局門上封王大臣遂散去豈長進內覆 命

佛法有靈 ○澳門有陳姓某富翁積善家也妻妾五人生育子女十數輩嫡庶均有所出某翁物故後妻妾各携子女離羣索居有某妾年逾不惑心結佛緣向以拜佛營齋諷經禮懺為事與某巷老尼僧契洽子女皆有慧心子喜印刷善書廣行陰陽女誓守清愛戒不染塵氛可謂一家皈佛清淨修行宜其破除煩惱矣上月十九日為觀音聖誕母女屬期齋戒沐浴隨帶僕婦護從往某巷禮佛比邱尼在佛堂預備齋麵茶菓優為款洽正經懺禮畢返澳時忽然雷聲大作風雨交加僕從羣相告語似此迅雷風烈天必變也雖離家咫尺行路載難莫若借宿靜室與老尼講經說法以永今夕達旦還歸何如某氏允從所請比倩尼僧鋪設經壇焚香參佛母女誠惶誠恐恐志心皈命禮也漏下三更禮佛念經完畢正擬寢息忽來劫賊多人明火執仗撞開山門欲圖劫掠尼眾驚愕無狀登時庵前南洋廟火起似有神助村眾齊出救火即行撲滅當時劫賊驚捕而逃幸免劫掠說者謂此陳某母女平日行善禮佛之果報有知者

金臺雜言 ○此次已丑科會試闈頭場試卷內惟南省有將三藝題口字漏去至一百五十餘卷之多經受卷官送堂知貢舉商諸提調以雖照功令犯貼但為數過多從寬發騰仍送內簾○山東青州駐防正黃滿札孝廉蘭岱夙嗜麴糶日以酒自娛此次來京赴試禮闈同行者十有八人旅寓前門外高升店忽於初三日滴酒不飲聞之作逆蓋積病已深猶未見於外也同行力勸勿試而札不聽至初八日入場坐於東暑字十四號飲食如舊談笑依然至初九日晚漸覺肝瀉蓋用心太過觸酒病至夜半嘔吐交作向復首次二藝贍於試卷後覺力漸不支草草收拾考具於初十晨出場至小寓語於同人自言難愈經人送至高升店由同來之繙譯者囑店僱車起身回青行至京南黃村札心雖明而莫能語書字令車仍回京中意恐故於途中無人棺殮迨復回高升店店主見其僅有一息不合進店送往小寓同行聞知出看欲舉入寓而札已坐斃車中矣同人趕為備棺送回青州○皇太后 皇上自二十三日至二十七日每晨自 內臨幸 頤和園至夕還海並不駐蹕其間海部奉文飛檄昆明湖水師練兵等趕將輪船炮艇炮位旌旗等及武備學堂收拾潔淨妥為預備○鑾儀衛辦事章京等以現准兩藍旗稱副護軍參領金山病故出缺咨取本衛保送人員查有治儀正保山係鑲藍旗人堪以保送此缺可否之處請王爺核奪等語伯即諭將保山保送入放副護軍參領遂於稿上簽押備文保送矣

京報選錄 ○吏部尚書臣錫珍等謹 奏為遵 旨明白回奏事光緒十五年正月二十九日軍機處交出軍機大臣面奉 諭旨吏部奏遵議開缺御史屠守仁處分一摺所稱屠守仁開去御史之處另行辦理係何辦理以補官日革職留任係補何官著該部明白回奏欽此欽遵到部查屠守仁守欽奉 慈禮端佑康頤昭豫莊誠皇太后懿旨開去御史所遺掌山西道御史一缺應移咨都察院照例題轉再由臣將 記名御史人員帶領引 見請 旨補授臣部前奏所謂開去御史之處另行辦理者此也至所議補官日革職留任查臣部辦理處分凡候補署事及開缺之員遇有應得處分均係俟補官日帶於新任今此案屠守仁已開去御史不得再以御史請補其應補何官應俟所議處分奉 旨再由臣部請 旨如前奏奉 旨依議即請以對品之部屬用俟補官之日將革職留任處分帶於新任如奉 旨改為降調即照所降

之級按品級所載序補如奉 旨改為革職即毋庸再行請 旨臣部前奏因所議處分向奉 旨是以未經聲叙今既奉 旨明白回奏合併
聲明所有臣等遵 旨明白回奏緣由理合恭摺具奏伏乞 皇太后 皇上聖鑒訓示 奏奉 諭旨一道 ○廣州將軍臣繼格兩
廣總督兼署廣東巡撫臣張之洞 廣州副都統臣與存 廣州漢軍副都統臣伊克坦琿 奏為籌修廣州旗營衙署兵房撥案懇 恩借款
與修恭摺仰祈 聖鑒事竊照廣州旗營大小官員衙署九十三所共房二千三百四十四間兵房九千三百五十間遇有坍塌向准借款興修
分八年由俸餉扣還歷經辦有成案溯自道光二十六年二十八年同治初年三次借動藩司糧道各庫興修均經扣還清款迄今數十年創蝕
源搖漸致損壞加以今年春夏霖雨連番颶風屢作不但道光年間所修之房不堪棲止即同治年間修復者亦多坍塌各官兵無力修葺若不
趕緊籌辦恐傾圮益甚需費益多經協辦等官稟由臣繼格等委員查勘屬實核與借款興修成案相符除應修衙署九十三所二千三百四十
四間共需修費銀一萬四千三百二十兩在於旗庫借支動用仍照章由各官俸銀內分作八年扣還外所有兵房九千三百五十間按照向章
每間借銀八兩共需銀七萬四千八百兩擬於司庫項下籌給咨經臣之洞飭行籌議去後茲據署廣東布政使王之春會同糧儲道韓文鈞詳
稱廣東旗營兵房年久失修逐漸傾壞自係實情茲擬借款興修共需銀七萬四千八百兩准自前庫儲十分支細實難籌此巨款茲據方設法
籌挪擬先由藩庫籌借銀四萬兩自宜乘此冬晴及早興修其餘銀三萬四千八百兩准由前庫儲十分支細實難籌此巨款茲據方設法
前來臣之洞伏查該司道等所議皆係實在情形現在各兵房待修孔亟轉瞬春令雨多誠恐不便工作乘此冬晴及早興修以便及時辦理要與
修臣等會同商酌合無仰懇 天恩俯念廣州旗營衙署兵房日久坍塌難於棲止准其在於藩庫先行籌借銀四萬兩俾得兵房修費仍限八
年在於兵餉項內陸續扣還其餘銀兩能否籌措容俟臣之洞督同司道明年體察情形商酌辦理除咨部外謹合詞恭摺伏祈 皇太后
皇上聖鑒再廣東巡撫係臣之洞兼署毋庸會銜合併聲明謹 奏奉 硃批著照所請該部知道欽此 ○李鴻章片 再前在英國德國商
廠訂造致遠靖遠經遠來遠鋼鐵甲快船四號業將接帶回華出力人員保奏所有船政衙門派赴兩國駐廠監造及使館派辦船工出力員弁
現准船政大臣出使英國德國大臣查明咨請保獎前來查此項鋼板鐵甲快船為中國創辦海軍利器極關重要船政派往員弁遠涉重洋數
萬里於船身機器炮械帆纜施工選料皆能精細研求不使攙雜窳劣並考究各廠製造理法具有心得洵屬異常奮勉其使館所派之員稽查
督率亦極認真自應分別請獎臣謹查照上屆監造定遠等船並恭酌接船准保章程成案擬將船政原派之不論雙單月儘先選用從九品曾
宗灝張啟正林鳴璫均請以縣丞不論雙單月儘先選用並加六品銜升用都司留閩儘先守備黃戴陳和慶均請以都司仍留閩儘先補用並
戴花翎五品軍功升用守備留閩儘先千總張國安請以守備仍留閩儘先補用前戴花翎使館原派之知府銜甘肅候補直隸州知州朱宗詳
請俟補缺後以知府用刑部候補主事王詠寬請以直隸州知州不論雙單月儘先選用仰懇 天恩俯准照擬給獎以示鼓勵除查取履歷咨
部外理合會同船政大臣費蔭森恭摺具陳伏祈 聖鑒訓示謹 奏奉 硃批著照所請該部知道欽此 ○李鴻章片 再吏治之賢否民生
之休戚繫之臣同督司道留心考察間有庸劣不職之員未敢稍涉姑容查有成安縣知縣張敏源年力就衰辦事糊塗濫豐縣知縣毛羽才
識庸暗難膺民社南和縣知縣王爾梅人尚謹慎草率大挑候補知縣韓乾乾體弱多病難耐勞苦以上四員係舉人進士出身文理尚優均擬
請歸部以教職選用安肅縣知縣葉常芳縱容丁役不洽輿情擬請以府經歷縣丞降補候補通判趙貴森心地狡猾不守官箴候補知縣王恩
霖瞭混取巧貪鄙近利均請即行革職倘蒙 兪允所遺各知縣各缺直省有應補人員應請扣留由外選員請補所有甄別不職各員謹具具
陳乞伏 聖鑒訓示謹 奏奉 硃批另有旨欽此

辭彰聲明 ○啟者敝廠向用林應芳為管事兼收銀之役現該件業經辭出不在本廠作工特此聲明嗣後該件有與 各寶號交易
來惟經手是問不干本廠之事特此聲明免滋後論 大英一千八百八十九年五月十三號 侯活亞士堅機器廠謹啟

輪船行期 ○敬啟者茲本行有輪船一隻名永生准定於西本月十七號即華本月十八日禮拜五必能抵助上落貨訖欲往 香港
汕頭 廈門 淡水 臺灣府 福州 上海等處 貴商如欲配載及搭客者請至本行相酌此佈
大英一千八百八十九年五月十三號 大清光緒十五年四月十四日 威廉施實陽洋行告白

招人批地 ○大英欽命新嘉坡輔政使司 為招人承批事照得現有官地坐落小坡及丹戎牛地方地名密只花威現欲出批與人
二年為期係由西六月一號即華五月初三日起算特此示諭商民人等一體知悉如有願批此地者可於西本月二十七號即華本月二
十八日禮拜一以前入票投交本署以憑國家選擇如有欲觀此地地形圖以及知其詳細情形者可向地庫領取閱便得各宜踴躍幸無
觀望切切此諭 大英一千八百八十九年五月十號 大清光緒十五年四月十一日 示

聲明告白 ○特字通知 諸寶號茲林佐會於本月初三日緣欲別圖生業經已無任做萬興發事務凡有與敝號往來長短請於
玉趾到敝號會算從今與林佐會無涉謹此佈告 大清光緒十五年四月初五日

大英一千八百八十九年五月十三號 大清光緒十五年四月十四日

大英一千八百八十九年五月十三號 大清光緒十五年四月十四日

大英一千八百八十九年五月十三號 大清光緒十五年四月十四日

大英一千八百八十九年五月十三號 大清光緒十五年四月十四日

大英一千八百八十九年五月十三號 大清光緒十五年四月十四日

大英一千八百八十九年五月十三號 大清光緒十五年四月十四日

大英一千八百八十九年五月十三號 大清光緒十五年四月十四日

大英一千八百八十九年五月十三號 大清光緒十五年四月十四日

大英一千八百八十九年五月十三號 大清光緒十五年四月十四日

大英一千八百八十九年五月十三號 大清光緒十五年四月十四日

大英一千八百八十九年五月十三號 大清光緒十五年四月十四日

大英一千八百八十九年五月十三號 大清光緒十五年四月十四日

大英一千八百八十九年五月十三號 大清光緒十五年四月十四日

大英一千八百八十九年五月十三號 大清光緒十五年四月十四日

招承賭碼 ○大英北慕娘輔政使司 為招承賭碼事照得前港賭碼現屆其期...

招承稅務 ○大英北慕娘輔政使司 為招承稅務事照得仙那港東方在丹戎因拿律丹起至沙北高及...

尋人告白 ○啟者茲有男子一名姓顧名忠年二十歲番禺縣捕房人原係姓陶身材短小單眼面白而瘦...

車馬發售 ○敬啟者茲有馬車一輛前馬一對甚為精美其車乃係峇打刺士地方著名工師心申所做...

妙手鑲牙 ○牙科一途雖云小道然亦頗難問世蓋必須盡得此中之奧方能無愧於心...

招延夥伴 ○啟者茲倫敦有某英商欲在檳城慕娘羅日裡泗水仰光等處各延請一人駐紮各地專代諸仕商...

RIGAND'S KANAGA WATER. 列頭干那芽花露水 ○此水係以干那芽花所製其花出自日本國中香冠凡卉乃列頭君...

MORRHUOL. 模好呂解毒葆元藥丸 ○此丸端治虛損吐血花柳傳毒咳嗽哮喘目痛重舌等症其效如神且不惟解毒且能...

SANTAL MIDY. DR. MIDY'S SANDAL OIL CAPSULES. 檀香油藥粒 ○此藥係製成油質以薄皮一重裹作粒形以便易吞...

FRUIT JULIEN. 浮律如里馬藥糖 ○此藥糖係採鮮果之汁加以藥料和製成塊略如糖粒氣味甘佳而其功效較於...

大英北方商務火燭保險規公司告白

啟者本行向代理大英北方商務保險公司專代 壽君承保洋面平安素蒙 惠顧茲本公司更曾設火燭保險以保準中平安實堪用道茲 爲略列如左 一號保險每值百元保費銀五角其另扣回十八仙與投保者 土油保險每值百元保費銀一元五角亦扣回十八仙 某英 保險每值百元保費銀一元二角五仙亦扣回十八仙 雜貨保險其實置於丹戎巴葛貨棧內者每值百元保費銀一元其亦扣回十八仙 其餘各貨如欲買保者請至本行面商價甚相宜此佈 大英一千八百八十六年十一月二十九日 代理人明嗎也洋行謹啟

賣出酒品三



啟者本行督辦歐洲馳名三品洋酒來叻發售其酒係白頭式發售有年沽飲 諸君莫不稱其香 美奈近有無恥之徒假冒本庄三品酒款式以圖魚目混珠情殊可恨嗣後 諸君沽買本行白頭三 品酒者請細認本號招牌之內有小紙包頭註華字新嘉坡明嗎也公司者始無誤若此字樣即屬 偽冒請爲細認特此佈 聞 大英一千八百八十五年十二月十九日 明嗎也公司謹啟

本月三十日 准 行 票

傳牌上	四百九十五元	新烟土	四百九十五元
七百場	三十四元二角半	功島	廿元零一角
叻甘蜜	八元三角	白椒	三十四元二角半
金香行情	金盾一個		六元六角
印度糖	一百元		二百廿六盾
爪亞糖	一百元		一百八十六盾
匯豐行情	銀行利息		十二八仙
商人三十日期票	銀行現銀票銀行貼出		七元半
匯豐門	銀行現銀票壹元兌現行		三元
商人三十日期票	二百元		七角五分
匯豐巴經行現銀票壹元兌現行			一百八十五元
商人三十日期票			一百七十元
匯豐里末行現銀票壹元兌現行			一百八十四盾半
商人三十日期票			一百九十一盾
匯豐三寶壟銀行現銀票壹元兌現行			一百八十四盾半
商人三十日期票			一百九十一盾
匯豐望加錫銀行現銀票壹元兌現行			一百八十四盾半
商人三十日期票			一百九十一盾
匯豐井里汶銀行現銀票壹元兌現行			一百八十四盾半
商人三十日期票			一百九十一盾
匯豐仰光銀行現銀票壹元兌現行			一百九十一盾
商人三十日期票			一百九十一盾
匯豐打電信			二百二拾四盾
商人三十日期票			二百二拾四盾
匯豐加那打銀行現銀票壹元兌現行			二百三十盾
商人三十日期票			二百二十五盾
匯豐打電信			二百二十五盾
商人三十日期票			二百三十一盾
匯豐打電信			二百三十一盾
商人三十日期票			七十五兩半

火 船 開 行

泗水	水棉嘉利實達輪船	十三日	下午四點	豐興號
峇釐	又	又	又	又
安班蘭	又	又	又	又
望加錫	又	又	又	又
井里汶	新檳榔火船	十四日	下午四點	山仰號
三寶壟	又	又	又	又
泗水	德里紗火船	十四日	下午四點	豐源號
峇釐	又	又	又	又
安班蘭	又	又	又	又
望加錫	又	又	又	又
北干	吃仁擬輪船	十五日	下午一點	又
吧城	又	又	又	又
關丹	又	又	又	又
實勝越	那萬美火船	十五日	下午二點	又
馬只賜	爾五土火船	十五日	下午三點	又
麻六甲	麻六甲輪船	十五日	下午三點	又
吉龍	柯勝攪保	又	又	又
白蠟	檳榔嶼又	又	又	又
日理	蘇蛙美輪船	十六日	下午一點	又

請示船期 ○啟者茲本館之報按日必將出口之各輪船行期詳登凡有輪船之公司行號見報爲之先期告佈使人周知以便招接戰運不無補益是爲利便之舉但本館記事浩繁逐一詢問恐或有遺茲微與 諸君約凡有輪船各公司行號如遇寶號出口之船某日展輪解纜自有定期務祈先將船期示知俾本館以便照登則欲附貨搭客者可得先事而備自無後至之虞不費之利諒 諸君之所樂從也再者 諸君送來之稿祈於每日三點鐘以前交到始能照刊若過三點鐘本館排字經已則不能照錄當俟下日始能錄出尚祈見諒特此佈 聞 本館告白

名江西取中二十二名湖北取中十四名湖南取中十四名四川取中十四名福建取中二十名台灣取中二名廣東取中十六名廣西取中十三名雲南取中十二名貴州取中十一名欽此

濫載廢人 ○去月廿九日有輪船由北慕娘抵叻船中載有廢疾之華人五名其疾已深幾至無從救藥計此五人中一為爛頭元首已亡其半一為爛脚已至不能行立其三人則警者也諸人抵叻乃即赴差館報明謂係北慕娘國家之命以來叻地者所有川資等項概蒙北慕娘有司給發前蒙各贈二元以充雜費因求本坡國家收養云云現聞國家以該船司舟濫載此廢疾之人來叻實屬有違典例因擬將該司舟控告云

私載火藥 ○亞齊一地經荷人久征不下因禁止販運火藥前往蓋恐以資敵用也月之上浣有刺惹輪船由嶼前往亞齊經緯報到該船有人私載火藥馬與土人因即命差往船中查搜乃果獲有火藥數桶現聞已將私携火藥之人執獲惟尚未經荷官訊定以二千五百元保出在外候訊云

亞齊亂耗 ○檳城西報云亞齊地方土人近又率隊與荷兵爭戰直攻荷國在意知地方所築之炮台計亞齊之眾共約三千人荷兵因併力拒之時時泊該處之荷國戰船亦即派兵登岸與炮台之兵助戰未幾而齊兵漸退荷軍因而得勝是役也計齊兵死者六十人荷兵則僅死一人並傷者數人而已聞現在巴城總督已派有兵軍三百名前戰船三艘前往亞齊助戰想不日必更有一番大戰也嗟乎亞齊之役經荷軍苦征廿餘年而不下乃猶不知自反誠不解荷人之心將如何設想耳

執訊劫犯 ○前報數夜約一點鐘時有盜匪七人至章夷路某山園中行劫先是該園諸人均已他出僅存一人守其園壁是夜為匪徒糾劫遂將其人綑縛並以布塞其口而後翻箱倒篋乃竟一無所有嗣見家豬之內乳豕豕因全數為之劫去計共二十頭約值銀二百元事後乃報於案中嗣經國家查得日來有載家往柔佛地方者適符其數知匪已赴柔佛疑因派一二畫之列等差偕同暗差等往查此事旋在柔境執獲匪徒二人經失主指認果係是夜行劫之黨無疑因解府堂十一日經府堂訊刻猶未經訊定也

竊案押候 ○十二日巡理府堂訊竊案一則被告為周德琛因盜竊一衫一褲為差所獲是日提訊之際據原捕差供稱前夜當值見被告由人家水槽而下因執而搜之則贓物在其身中云云惟周則極稱此事為冤府憲因問其何說周曰此事實為該差所誣可以矢誓以明心跡今據該差所供益屬謬妄安有可於由水槽而下者若以此事為真請命該差照其所供情形復由此水槽而下若果能往來無礙則甘認罪無辭也府尊聽其供詞亦似有理由因命將案押候翌日再訊命被告覓人到案為之作証云

移緝兇徒 ○初四日有輪船名弗士不大力者由仰光言抵檳城當該船抵嶼之際即經嶼官飭差到船中執獲三人查其所以然之故緣有一人在仰光地方犯有命案查得兇犯已討該船往嶼因發電報知嶼官請為往捕嶼官據電因至該船捕到三人嗣經執問內有二人係為事外因與省釋所餘一人確係該兇無疑現尚禁於嶼中猶未經嶼官訊實也

花叢被火 ○十一晚鐘鳴十點忽聞升旗山連燒告警之炮五口旋發紅色之火箭四枝本館訪事人亟為奔視則馬交街四十三號門牌利發勾院起火也其起火之由刻尚未知惟起火之處則在該院之三層樓由後進直燒而前由上而下延燒左鄰四十四號門牌歡心樓勾院遂使錦綉場中變作燼餘之地視融稅駕之際其附近之勾院各妓女咸狂呼疾走有銀環紛墜者有跣足而一步一蹶者火聲風聲及婦女啼哭之聲紛雜而至真慘事也幸維時向早獵豔者未赴陽臺倘在夜闌人靜之時何難如邱遠風流炮火而死耶

製藥宜慎 ○栗色火藥肇自德國十猛而能及遠且能命中與棉花藥功用不同而為軍中利器則一也現在北洋講求武備炮臺棋布輪船岸羅日夕操防需用此藥不知凡幾前由機器局格致諸君將外洋藥料用化學化之如法製造其房屋係在機器局旁演臨曠野下架層椽上文薄板空諸依傍不近人家設有不虞議去上蓋以免株連蓋於起造時幾經審度然後出此然相去數十里即有英國藥庫所謂方以類聚也此藥製就餅式又成八角形如石之堅非用門藥白金水銀等質引火難以粹燃藥餅需用機器洞穿小孔而中堅俾受門藥製遺之精防患之密真有匪夷所思者於十五日前正奏工間機器錯落火星迸射藥餅即燃轟板屋三兩椽全行飛去生死未悉屋下遺火燃及宿草拉朽催枯迎風掃蕩而英國藥庫適在下風摩離四面高牆特雙扉仍係木質是時火將及門危險異常局中工匠多有如段干木踰牆以避幸局中火會人等竭力灌救攔住火路英國藥庫得以保全否則千數里內房屋人民真有不堪設想者前車之覆後車之鑒局中人等於製藥時尚其慎益加慎哉

鷺島晴波 ○壽山巖前山有一小廟俗稱鷺小官廳內多寄柩有異鄉客死暫寄以待搬運者有因牛眠未卜暫厝其中者男女棺柩約十數具近竟有喪心之賊竊取棺板售人為廟中脚板之用棺內屍身任意拖出互相枕藉初尚不知也清馴節掃墓者偶經其處始行知覺棺木大都被拆僅有一板完好此等惡賊不可不重懲想有地方之責者既有所聞必不忍漠然置之也○日前有稅局巡丁指同安渡船上有四人攜帶小船載以上岸偷漏厘金因夜間辨認不清為其免脫稟官飭渡船交人現在渡船被封候往來同安廈門者僅有一艘已